

LES
REGRETS
DE MONSIEUR

LE PRINCE.

AV ROY,

M. D. C. XVII.



LES
REGRETS
DE MONSIEUR
LE PRINCE.

AV ROY.

A Insi que la fleur cueillie,
Ou par la Bize assaillie,
Pert le vermeil de son teint,
En la fleur du plus doux aage
De mon pâissant visage
La viue couleur s'esteint.

Vne languissante nuë
Me sille dé-jà la veuë,
Et me souuient, en souffrant,
Des riues de Garonne & Loire,
Qui les chansons de ma gloire
Alloient jadis murmurant.

Alors que parmy la France
 Du grand Cygne de Florence
 Je contrecarrois les pas,
 Dont les plumes j'ay tirees,
 Qui des ailes mal cirees
 Le vol n'imiteront pas.

Quel bois, quelle solitude,
 Tesmoing de l'ingratitude
 Del'Archer malicieux,
 Ne resonne les alarmes,
 Que les amoureuses larmes
 Font aux esprits ocieux?

Les bleds aiment la roussee,
 Dont la plaine est arrousee:
 La vigne aime les chaleurs,
 Les abeilles les fleurettes,
 Et les vaines amourettes
 Les complaints & les pleurs.

Mais la douleur vehemente,
 Qui maintenant me tourmente,
 A repoussé loing de moy
 Telle fureur insensee,
 Pour entrer en ma pensee
 Le traict d'un plus juste esmoy.

Arriere plaintes friuoles
 D'un tas de jeunesses folles;
 Vous, ardens fouspirs enclos,
 Laissez ma poitrine cuite,
 Et traifnez à vostre suite
 Mille tragiques sanglots.

Si l'injure déreiglee
 De la Fortune aueuglee:
 Si d'un faux bon-heur promis
 Par les faueurs journalieres,
 Si les fraudes familiares
 Des trop courtizans amis.

Si la maison mal entiere
 De cent procez heritiere,
 Telle qu'on la peut nommer
 La Gallere defarmee,
 Qui sans guide & mal ramee
 Vogue par la haute mer.

Si les passions cuyfantes
 A l'ame & au corps nuyzantes,
 Si le plus contraire effort
 D'une fiere Destinee,
 Si vne vie obftinee
 Contre vn defir de la mort:

Si la triste cognoissance
De nostre fresse naissance,
Et si quelque autre douleur
Gehenne la vie de l'homme,
Le merite qu'on me nomme
L'esclaue de tout malheur.

Qu'ay-je depuis mon enfance
Sinon toute injuste offence
Senty de mes plus prochains?
Qui ma jeunesse passée
Aux tenebres ont laissée,
Dont ores mes yeux sont plains.

Et depuis que l'âge ferme
A touché le premier terme
De mes ans plus vigoureux,
Las, hélas ! quelle journée,
Feut onq' si mal fortunée,
Que mes jours les plus heureux?

Mes os, mes nerfs, & mes veines
Telsmoings secrets de mes peines,
Et mille soucis cuyfants
Auancent de ma jeunesse
Le triste Hyuer qui me blesse
Deuant l'Esté de mes ans.

Comme l'Autonne faccage
 Les verds cheueux du boccage
 A son triste aduenement,
 Ainsi peu à peu s'efface
 Le cresp honneur de ma face
 Veufue de son ornement.

Mon cœur ja deuenu marbre
 En la fouche d'un vieil arbre
 A tous mes sens transmuez:
 Et le soing, qui me desrobe,
 Me fait semblable à Niobe
 Voyant ses enfans tuez.

Quelle Medée ancienne
 Par sa voix magicienne
 M'a changé si promptement?
 Fichant d'aiguilles cruelles
 Mes entrailles, & moëllles
 Serues de l'enchantement?

Armez vous contre elle donques,
 O vous mes Vers! & si onques
 La fureur vous enflamma,
 Faites luy sentir l'iambe,
 Dont contre l'ingrat Lycambe
 La rage Archiloq' arma.

O nuit ! ô silence ! ô Lune !

Que ceste vieille importune
Ose du Ciel arracher,
Pourquoy ont la terre, & l'onde
Mais pourquoy à tout le monde
Conspiré pour me fascher ?

Ny toute l'herbe cueillie
Par les champs de Thessalie,
Ny les murmures secrets,
Ny la Verge enchanteresse,
Dont la Dame vangeresse
Tourna les visages Grecs.

Ny les flambeaux, qu'on allume
Aux obseques, ny la Plume
Des mortuaires Oizeaux,
Ny les œufs, qu'on teinct & mouille
Dans le sang d'une grenouille,
Ny les auernales eaux :

Ny les images de cire,
My ce, qui l'enfer attire,
Ny tous les Vers enchantez
Par la vieille escheuelee
D'une voix entremeslee
Six & trois fois rechantez :

Ny le menstrueux breuuage
 Meilé avecques la rage,
 Qui s'enfle au front des cheuaux,
 Ny les furies ensemble
 Enfanteroient (ce me semble)
 Le moindre de mes trauaux.

Moindre feu ne me consume,
 Et moindre peste ne hume
 La tiede humeur de mes os,
 Que l'Herculienne flamme
 Ayant le don de sa femme
 Engraué dessus le dos.

Les flots courroucez, qui baignēt
 Leurs riuages, qui se plaignent,
 Ne sont plus sourds, que ie suis:
 Ny ce peuple qui habite
 Où le Nil se precipite
 Dedans la mer par sept huys.

Les vents, la pluye, & l'orage
 N'exercent plus grand outrage
 Sur les monts & sur les flots,
 Que l'eternelle tempeste,
 Qui broüille dedans ma teste
 Mille tourbillons enclos.

Comme la folle Prestresse,
A qui le Cynthien presse
Le cœur superbe & dépit,
Herissant sa chevelure
Contre-tourne son allure
Par vn mouuement subit:

Ainsi aueq' noire mine
Tout furieux ie chemine
Par des lieux peu esloignez,
Remaschant d'vn soucy graue
Mille fureurs que j'engraue
Sur mes sourcils renfrongnez.

Tel est le Thebain Panthee,
Quand son ame espouuantee
Veoit le Soleil redoublé:
Tel le vangeur de son pere,
Quand les serpens de sa mere
Luy ont son esprit troublé.

D'vne entre-suiuante fuite
Il adjourne, & puis annuite:
L'an d'vn mutuel retour
Ses quatre saisons rameine:
Et apres la Lune pleine
Le Croissant luit à son tour.

Tout ce que le Ciel entourne,
 Fuit, refuit, tourne & retourne,
 Comme les flots blanchissans,
 Que la mer venteuse pousse,
 Alors qu'elle se courrouce
 Contre les bords gemissans.

Chacune chose decline
 Au lieu de son origine:
 Et l'an, qui est coustumier
 De faire mourir, & naistre,
 Ce qui fut rien, auant qu'estre,
 Reduit à son rien premier.

Mais la tristesse profonde,
 Qui d'un pied ferme se fonde
 Au plus secret de mon cœur,
 Seule immuable demeure,
 Et contre moy d'heure en heure
 Acquiert nouvelle vigueur.

Ainsi la flamme allumée,
 Que les vents ont animée,
 Forcenant cruellement,
 En mille pointes s'essance,
 Dédaignant la violence
 De son contraire element.

Quand l'obscurité defferre
 Ses ailles dessus la terre,
 Et quand le present des Dieux
 Pour emmieller la peine,
 De toute la gente humaine
 Charme doucement les yeux,

Lors d'une horreur taciturne
 Dessous le voile nocturne
 Tout se fait paisible & coy:
 Toute maniere de beste
 Au sommeil courbe la teste
 Dedans son priué recoy.

Mais le mal qui me réueille,
 Ne permet que ie sommeille
 Vn seul moment de la nuit,
 Sinon que l'ennuy m'assomme
 D'un espouuantable somme,
 Qui plus que le veiller nuit.

Puis quand l'aube se decouche
 De sa jaunissante couche
 Pour nous éclairer le iour,
 Avec moy s'éueille à l'heure
 Le soing rongeard qui demeure
 En mon familier sejour.

Où tout celà, que l'on nomme
 Les bien-heuretez de l'homme,
 Ne me sçauroit esjouir,
 Priué de l'aïse, qu'apporte
 A la vie demy-morte
 Le doux plaisir de l'ouïr.

Iadis la tourbe sacree,
 Qui sur Seine se recree,
 Me daignoit bien quelquefois
 Guider autour des riuages,
 Et par les antres sauuages
 Imitateurs de ma voix :

Mais or toute espouuantee
 Elle fuit d'estre hantee
 De moy, dépit & felon,
 Indigne que ma poitrine
 Reçoïue sous la courtine
 Les saincts presents d'Apollon.

Mesmes la voix pitoyable,
 Dont la plainte larmoyable
 Rechante les derniers sons,
 Dure & lourde à ma semonce
 Dédaigne toute responce
 A mes piteuses chansons.

Quelque part que ie me tourne,
 Le long silence y sejourne
 Comme en ces temples deuots,
 Et comme si toutes choses
 Pesse messe estoient r'encloses
 Dedans leur premier Caos.

Mettez moy (SIRE) où la tourbe
 Du peuple estonné se courbe
 Deuant le Sceptre des Roys,
 Et en tous les lieux encore,
 Où plus la France decore
 Et ses armes & ses loix :

Mettez-moy où l'on accorde
 La contr'-accordante chorde
 Par les discordans accords,
 Et où la beauté des Dames
 Souffle les secrettes flammes
 Qui bruslent dedans le corps.

Mettez moy [si bon vous semble]
 Où la Delienne assemble
 Sa bande apprise au labeur,
 A cry, à cor, & à suite
 Pressant la legere fuite
 Des cerfs aillez par la peur.

Mettez moy où Cytheree
 En la saison alteree
 Sa jeune trouppes conduict,
 Et sans craindre la froidure
 Dessus l'humide verdure
 Bale au serain de la nuit.

Mettez moy, SIRE, où florissent
 Les arbres, qui se nourrissent
 Au beau sejour d'Alcynois,
 Et là, où le riche Autonne
 D'une main prodigue donne
 L'honneur du front d'Acheloy.

Mettez moy, où plus abonde
 Tout ce qui plus en ce monde
 Contentel'humain desir,
 Si ne pourray-je en tel aise
 Trouuer plaisir qui me plaise,
 Que l'obstiné déplaisir.

Helas! pourquoy tât s'augmentent
 Les malheurs, qui me tourmentent
 Desesperé d'auoir mieux?
 Ou pourquoy à les accroistre,
 Par trop les vouloir connoistre
 Suis-je tant ingenieux?

Heureux qui a par augures
 Preueu les choses obscures!
 Et trop plus heureux encor
 En qui des Dieux la largesse
 A respandu la sagesse,
 Des Cieux le plus beau tresor.

Combien [si nous estions sages]
 Se demonstrent de presages,
 Auant-coueurs ne nos maux!
 Soit par injure celeste,
 Par quelque perte moleste,
 Ou par mort des animaux.

Mais la pensee des hommes,
 Pendant que viuans nous sommes,
 Ignore le fort inhumain,
 La Diuine prescience
 Par certaine experience
 Le tient clos dedans sa main.

Seroit-point determinee
 Quelque vielle destinee
 Contre les esprits sacrez?
 Mille, qui dessus Parnaze
 Beurent de l'eau de Pegaze,
 Ont fait semblables regrets.

De lalyre Thracienne,
 Et de l'Amphionnienne
 Les malheurs ie ne diray.
 De l'aveuglé Sthesicore,
 Et du grand aveugle encore
 Les labeurs ie n'escriray.

Ie tais la mort d'Euripide,
 Et la tortyë homicide,
 Ie laisse encore la faim
 De ce miserable Plaute,
 Et les peines de la faute
 De l'amoureux écriuain.

Seulement me plaist écrire
 Ce qui est de mon martyre
 Et l'enclos de ma prison,
 Prison du tout execrable,
 Et lieu tres desagreable,
 (Pour des gens de ma façon).

Mauditte donq' la lumiere,
 Qui m'esclaira la premiere,
 Puis que le Ciel rigoureux
 Assujettit ma naissance
 A l'indomptable puissance
 D'un astre si malheureux.